

# Ausm Traum aufgwacht

Text und Melodie: Ernst Weeber (1995)

www.langedieder.de

---

I bin heut aus aam Traum aufgwacht in aller Hergottsfrüah.  
I bin heut aus aam Traum aufgwacht in aller Hergottsfrüah.  
Du bist weg von deine Leut  
und mitten in mei Lebn reigschneit.  
Und i bin aus aam Traum aufgwacht heut früah.

I hab traamt i war mit meim Auto unterwegs.  
I hab traamt i war mit meim Auto unterwegs.  
Du reißt alle Bruckn ei,  
magst nimma eahna Schwester sei.  
Und i war mitm Auto unterwegs.

Und i bin auf a gefährlich unterspülten Straßn gfahrn.  
Und i bin auf a gefährlich unterspülten Straßn gfahrn.  
I laß mi auf dei Seitn ziahng  
und denk i kaant dei Lebn zrechtbiang.  
Und i bin auf der falschen Straßn gfahrn.

Dann bin i in a Loch neigrutscht am End von dera Straß.  
Dann bin i in a Loch neigrutscht am End von dera Straß.  
Beinah hätt mi der Deifi gholt,  
beinah hätt i mei Seel verspuit  
am End von dera Straß'!

Der Schreck is mir in d'Glieder gfahrn! Zum Glück wars bloß a Traum!  
Der Schreck is mir in d'Glieder gfahrn! Zum Glück wars bloß a Traum!  
A Mo muaß wissn was er wui  
und wie hoch er setzt im Spui.  
Zum Glück wars deesmoi bloß a Traum!

Und i bin aus meim Traum aufgwacht in aller Herrgottsfrüah.  
Und i bin aus meim Traum aufgwacht in aller Herrgottsfrüah.  
Mei Herz kaant i dir nia versperrn,  
wo mir doch jetza zammaghörn.  
Aber i bin aus aam Traum aufgwacht heit früah.